



05. januar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit inuussutissat kingisinnerpaamik pisiniarineqarnissaannut ullulersuisarneq pillugu:**

**1. Kalaallit Nunaanni inuussutissat kingisinnerpaamik pisarineqarnissaannut ullulersuisarnermut atatillugu malittarisassat suuppat aamma malittarisassanut suut inatsisit aalajangiisuuppat?**

**2. Naalakkersuisut pilersaaruteqarnerlutik suliniuteqarnissaminnut Danmarkimi malittarisassat atuuttut ulloq 1. januaari 2015 allanngortinneqartut malinneqalernissaannut, EU-mi inuussutissat kingisinnerpaamik pisarineqarnissaannut ullulersuisarnermut malittarisassat assigiinneqalernissaannut EU-p peqqussuteqarnerata kingorna.**

(Inatsisartunut ilaasortaq Justus Hansen, Demokraatit)

**Tunngavilersuut:**

Nioqqutissanik ullulersuisarneq sooruna peqqinnissaq eqqarsaatigalugu pingaaruteqarpoq. Aammali ullulersuisarneq isumaqarpoq, niuertarfiit ilaannikkut inuussutissanik igitsisariaqalertarnerat, ajoquteqanngilluinnartunik. Nerisassanik eqqaaneruvoq tamannalu ajorpoq.

Ajornartorsiut tamanna EU-mi ilisimaneqarpoq taamaattumik malittarisassat allanngortinneqarput siunertaralugu nerisassanik eqqaanerup millisinneqarnissaa. Tamanna tunngavigalugu malittarisassat taakku nutaat Danmarkimi atulersinneqarput ulloq 1. januaari aallarnerfigalugu.

Malittarisassat nutaat kinguneranik niuertarfiit EU/Danmarkimi nioqqutigisinnaanngorpaat nioqqutissat "minnerpaamik atasinnaanerannut" ulluliussamik qaangereernikut.

Apeqqutit akeqquneqarput ullut suliffiit nalignnaasut qulit iluanni.